

322. O. castaneum Reichb. f. ex Linden in Illustr. hort. XXIX. (1882) 99. — Pseudobulbi anguste oblongi, ancipites, bi- vel tricostati, diphylli, folia infrabulbosa ad 4 vaginantia, laminae e basi complicata lanceolatae, acuminatae, papyraceae, ad 30 cm longae, 2 cm latae. Inflorescentia longissima, amplissima, multiflora, rami ad 6 cm inter se distantes, saepius iterum ramulosi, tenues, saepius tortuosi, denique fractiflexi, flores inter se valde distantes, bractee minutissimae, triangulae, pedicelli cum ovariis ad 2 cm longi. Sepala libera, obovato-oblonga, obtusa, lateralia subfalcata, ascendentia. Petala oblonga, obtuse acutata, aequilonga, omnia castanea, pallidius limbata et apiculata, 1 cm longa, sepala 3,5 mm, petala 4 ad 5 mm lata. Labelli lobi laterales breves, subquadrati rotundatique, isthmus lobi intermedius quadratus, lamina reniformis, antice leviter sinuatus, lobi pallide lutei, isthmus castaneus, crista labelli transversa, utrinque lobos laterales versus producta, pluridentata, antice tridentata, depressa, albida, rubro-punctulata. Gynostemii alae triangulae, supra elongatae, acutae, margine denticulatae, tabula infrastigmatica lata.

Subaequatoriale andine Provinz. Costa Rica, Chiriqui (R. Pfau!, Endres!).

Nota. Planta habitu peculiari, rarissime enim invenies inter *Oncidia* paniculam adeo flaccidam, laxam, irregulariter ramosam quam in hac, quo fit, ut aspectus non ita gratus eveniat quam flores numerosi et pulchri praebere possint. — *O. Kappleri* Reichb. f. quodammodo similis.

323. O. Suttonii Batem. in Bot. Reg. XXVIII. (1842) Misc. 8; Paxton, Fl. Gard. II. ic. 129 [N. Ed. II. 22 ic. 125]; Fol. Orch. Oncid. 48; Sert. Orch. sub t. 48; Reichb. f. in Walp. Ann. VI. (1864) 800. — Pseudobulbi aggregati, parvi, oblongi, bi- vel tricostati, diphylli, ad 4 cm longi, basi 1,8 cm lati, subcompressi, non proprie ancipites. Folia linearia, graminea, textura tenui, acuminata vel acuta, ad 20 cm longa, 1 cm lata. Scapus speciminis typici Lindleyi jam ab ipsa basi deflexus, ramosus, paniculatus, rami pauci, valde distantes, pauci- et laxiflori, tenues, bractee albae, ovatae, acuminatae, 8 mm longae, pedicelli tenues, 4,5 cm longi, pars superior inflorescentiae racemosa,